

## CYNGOR DINAS CAERDYDD

### DEDDF SAFONAU A THREFNIADAETH YSGOLION (CYMRU) 2013

#### DARPARU YSGOL UWCHRADD CYFRWNG SAESNEG

**HYSBYSIR DRWY HYN**, yn unol ag Adran 41 a 43 Deddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, fod Cyngor Dinas Caerdydd (sef "yr Awdurdod" o hyn ymlaen), ar ôl ymgynghori â'r bobl briodol ym marn y Cyngor, yn cynnig gwneud y canlynol:

1. Cau Ysgol Uwchradd Glyn Derw, Penally Road, Caerau, Caerdydd, CF5 5XP a Choleg Cymunedol Llanfihangel, Michaelston Road, Trelái, Caerdydd, CF5 4SX (Ffederasiwn Glyn Derw a Llanfihangel) o 31 Awst 2017.
2. Sefydlu ysgol uwchradd gymunedol 11-18 newydd i wasanaethu ardaloedd Caerau a Threlái o 01 Medi 2017.
3. Symud yr ysgol uwchradd sefydledig newydd i adeilad newydd ar safle presennol Ysgol Uwchradd Glyn Derw, Penally Road, Caerau, Caerdydd, CF5 5XP o fis Medi 2018.

Cynhaliodd yr Awdurdod gyfnod ymgynghori cyn penderfynu cyhoeddi'r cynnig hwn. Gellir gweld adroddiad ar yr ymgynghoriad sy'n cynnwys crynodeb o'r materion a godwyd gan yr ymgynghoreion, ymatebion yr Awdurdod a barn Estyn yn:

[www.caerdydd.gov.uk/ysgolionyr21ainganrif](http://www.caerdydd.gov.uk/ysgolionyr21ainganrif)

Disgwylir i'r cynnig gael ei weithredu o fis Medi 2017 gyda'r ysgol uwchradd sefydledig newydd yn cael ei lleoli yn adeiladau presennol Coleg Cymunedol Llanfihangel yn y lle cyntaf cyn symud i'r safle newydd ar safle Ysgol Uwchradd Glyn Derw o fis Medi 2018.

Nifer y disgyblion a gaiff eu derbyn i'r ysgol ym Mlwyddyn 7 (y grŵp oedran perthnasol) yn 11 oed, yn ystod y flwyddyn ysgol gyntaf y caiff y cynnig ei roi ar waith, fydd 240.

Bydd yr ysgol newydd yn gallu derbyn 1500 o ddisgyblion gan gynnwys y chweched dosbarth.

Byddai'r disgyblion hynny sy'n mynychu Ysgol Uwchradd Glyn Derw a Choleg Cymunedol Llanfihangel ar 31 Awst 2017 yn trosglwyddo i gofrestr yr ysgol sefydledig newydd.

Bydd yr ysgol newydd yn ysgol gymunedol ac yn derbyn disgyblion o'r ddau ryw.

Yr Awdurdod sy'n gyfrifol am dderbyn disgyblion i'r Ysgol, a'r Awdurdod sy'n pennu'r meini prawf derbyn.

Nid oes unrhyw gynlluniau i newid polisi'r Cyngor ar dderbyn plant i ysgolion o ganlyniad i'r cynigion hyn.

Mae gwybodaeth fanwl o ran trefniadau derbyn yn llyfryn Derbyn i Ysgolion y Cyngor a gellir gweld y llyfryn hwn ar wefan y Cyngor ([www.caerdydd.gov.uk](http://www.caerdydd.gov.uk)).

Byddai'r ysgol newydd yn gwasanaethu dalgylchoedd y ddwy ysgol bresennol y mae'n eu disodli.

Ni fydd trefniadau derbyn yr ysgol yn gwneud unrhyw ddarpariaeth ar gyfer dethol disgyblion yn ôl gallu na bandio disgyblion.

Bydd unrhyw drefniadau ar gyfer cludo disgyblion i'r ysgol yn cael eu gwneud yn unol â pholisïau presennol yr Awdurdod ar gludo plant i'r ysgol.

Gellir cyflwyno gwrthwynebiadau i'r cynigion hyn o fewn 28 diwrnod o ddyddiad cyhoeddi'r cynigion hyn, sef hyd at 02 Chwefror 2016.

Dylid anfon gwrthwynebiadau at y Cyfarwyddwr Addysg a Dysgu Gydol Oes, Cyngor Dinas Caerdydd, Neuadd y Sir, Glanfa'r Iwerydd, Caerdydd, CF10 4UW.

Gellir hefyd anfon gwrthwynebiadau at Gyfarwyddwr Addysg a Dysgu Gydol Oes, Cyngor Dinas Caerdydd i'r cyfeiriad e-bost canlynol: [YmatebionYsgolion@caerdydd.gov.uk](mailto:YmatebionYsgolion@caerdydd.gov.uk)

Noder bod yn rhaid i unrhyw wrthwynebiadau a anfonir drwy e-bost gynnwys enw llawn a chyfeiriad post y sawl sy'n gwrthwynebu.

Bydd yr Awdurdod yn cyhoeddi crynodeb o unrhyw wrthwynebiadau o'r fath a wneir (ac nad ydynt wedi'u tynnu yn ôl yn ysgrifenedig) yn ystod y cyfnod gwrthwynebu, ynghyd â sylwadau'r awdurdod ar y gwrthwynebiadau hynny, cyn pen 7 diwrnod, gan ddechrau ar y diwrnod y penderfynir ar y cynnig.

Dyddiedig 06 Ionawr 2016

Llofnod: Marie Rosenthal  
Cyfarwyddwr Llywodraethu a Gwasanaethau Cyfreithiol  
Ar ran Cyngor Sir Dinas a Sir Caerdydd

### **NODYN ESBONIADOL**

(Nid yw hwn yn rhan o'r Hysbysiad ond ei nod yw egluro'i ystyron cyffredinol)

Cynigir cau Ysgol Uwchradd Glyn Derw a Choleg Cymunedol Llanfihangel (Ffederasiwn Glyn Derw a Llanfihangel) o 31 Awst 2017 gan sefydlu ysgol uwchradd newydd yn eu lle o 01 Medi 2017.

Byddai'r ysgol yn y lle cyntaf ar safle Coleg Cymunedol Llanfihangel cyn symud i adeilad safonol newydd ar safle Ysgol Uwchradd Glyn Derw.

Byddai unrhyw adeiladau newydd a fyddai'n ofynnol pe bai'r cynnig uchod yn cael ei roi ar waith yn gyfartal â/bodloni amodau cyllido Llywodraeth Cymru (LIC) fel BREEAM ac yn cael eu dylunio yn unol â Bwletinau Adeiladu yr Adran Addysg sy'n nodi bod angen i'r cyfleusterau canlynol gael eu cynnwys mewn unrhyw ysgol:

Man addysgu: mewnol ac allanol  
Neuaddau, ardal fwytfa  
Ardaloedd Adnoddau Dysgu  
Staff a gweinyddu  
Storfa  
Tai bach a gofal personol  
Cyfleusterau cegin  
Cylchrediad, Peiriannau a waliau mewnol

Mae cynllun dangosol yn dangos safle Ysgol Uwchradd Glyn Derw a sut y gallai'r safle edrych i'w gweld ar-lein yn [www.caerdydd.gov.uk](http://www.caerdydd.gov.uk)

Byddai'r ysgol newydd yn gwasanaethu dalgylchoedd y ddwy ysgol bresennol y mae'n eu disodli.